

七十二家集

陸平原集卷之三

晉吳郡陸機士衡著

明閩漳張燮紹和纂

樂府

短歌行

以下
四言

置酒高堂悲歌臨觴人壽幾何逝如朝霜時無
重至華不再揚蘋以春暉蘭以秋芳來日苦短
去日苦長今我不樂蟋蟀在房樂以會興悲以
別章豈曰無感憂爲子忘我酒旣旨我有旣臧

短歌有詠長夜無荒

秋胡行

道雖一致塗有萬端吉凶紛謁休咎之源人鮮
知命命未易觀生亦何惜功名所歎

隴西行

我靜如鏡民動如煙事以形兆應以象懸豈曰
無才世鮮興賢

日出東南隅行

或曰羅敷豔歌
以下五言

扶桑升朝暉照此高臺端高臺多妖麗濬房出

清顏淑貌耀皎日惠心清且閑美目揚玉澤蛾
眉象翠翰鮮膚一何潤秀色若可餐窈窕多容
儀婉媚巧笑言暮春春服成粲粲綺與紈金雀
垂藻翹瓊佩結瑤璫方駕揚清塵濯足洛水瀾
藹藹風雲會佳人一何繁南崖充羅幕北渚盈
幃軒清川含藻景高岸被華丹馥馥芳袖揮冷
泠纖指彈悲歌吐清響雅舞播幽蘭丹唇含九
秋妍迹陵七盤赴曲迅驚鴻蹈節如集鸞綺熊
隨顏變迹姿無定

一作

源俯仰紛阿那顧步咸

可憐遺芳結飛颺浮景映清湍冶容不足詠春
遊良可歎

挽歌三首

卜擇考休貞嘉命咸在茲夙駕警徒御結轡頓
重基龍流破廣柳前驅矯輕旗殯宮徇嘈嘈哀
響沸中闈中闈且勿喧聽我薤露詩死生各異
倫祖載當有時舍爵兩楹位啓殯進靈輜飲餞
觴莫舉出宿歸無期帷衽曠遺影棟宇與子辭
周親咸犇奏友朋自遠來翼翼飛輕軒駸駸策

素騏按轡遵長薄送子長夜臺呼子子不聞泣
子子不知歎息重慟側念我疇昔時三秋猶足
收萬世安可思殉沒身易亡殺子非所能含言
言哽咽揮涕涕流離

流離親友思惆悵神不泰素驂佇輻軒玄駟驚
飛蓋哀鳴興殯宮廻遲悲野外魂輿寂無響但
見冠與帶備物象平生長旌誰爲旆悲風微行
軌傾雲結流靄振策指靈丘駕言從此逝
重阜何崔嵬玄廬窺其間磅礴立四極穹隆放

蒼天側聽陰溝漏卧觀天井懸壙

五臣作廣

宵何寥

廓大暮安可晨人往有返歲我行無歸年昔居
四民宅今託萬鬼隣昔爲七尺軀今成灰與塵
金玉素所佩鴻毛今不振豐肌饗螻蟻妍姿永
夷泯壽堂延魑魅虛無自相賓螻蟻爾何怨魑
魅我何親拊心痛荼毒永歎莫爲陳

長歌行

逝矣經天日悲哉帶地川寸陰無停晷尺波豈
徒旋年往信勁矢時來亮急弦遠期鮮克及盈

數固希全容華夙夜零體澤坐自捐茲物苟難
停吾壽安得延俛仰逝將過倏忽幾何間慷慨
亦焉訴天道良自然但根功名薄竹帛無所宣
迨及歲未暮長歌乘我閑

君子行

天道夷且簡人道險而難休咎相乘攝翻覆若
波瀾去疾苦不遠疑似實生患近火固宜熱履
冰豈惡寒掇蜂滅天道拾塵惑孔顏逐臣尚何
有棄友焉足歎福鍾恒有兆禍集非無端天損

永易辭人益猶可歡朗鑒豈遠假取之在傾冠
近情苦自信君子防未然

從軍行

苦哉遠征人飄飄

五臣作飄

窮四遐南陟五嶺巔北

戍長城阿深

五臣作谿

谷邈

五臣作深

無底崇山鬱嵯峨

奮臂攀喬水振迹涉流沙隆暑固已慘涼風嚴

且苛晷條焦鮮藻寒冰結衝波胡馬如雲屯越

旗亦星羅飛鋒無絕影鳴鏑自相和朝食不免

胃夕息常荷戈苦哉遠征人撫心悲如何

苦寒行

北遊幽朔城涼野多險難

五臣作艱

俯入窮谷底仰

陟高山盤凝冰結重礧積雪被長巒陰雲興巖
測悲風鳴樹端不覩白日景但聞寒鳥喧猛虎
憑林嘯玄猿臨岸歎夕宿喬水下慘愴恒鮮歡
渴飲堅冰漿飢待零露餐離思固已久寤寐莫
與言劇哉行役人慊慊恒苦寒

豫章行

汎舟清川渚遙望高山陰川陸殊塗軌懿親將

遠尋三荆歡同株四鳥悲異林樂會良自古悼
別豈獨今寄世將幾何日晏無停陰前路旣已
多後塗隨年使促促薄暮景疊疊鮮克禁局爲
復以茲曾是懷苦心遠節嬰物淺近情能不深
行矣保嘉福景絕繼以音

長安有狹邪行

伊洛有岐路岐路交朱輪輕蓋承華景騰步蹕
飛塵鳴玉豈樸儒憑軾皆俊民烈心厲勁秋麗
服鮮芳春余本倦游客豪彥多舊親傾蓋承芳

訊欲鳴當及晨守一不足矜岐路良可遵規行
無曠迹矩步豈逮人投足緒已爾四時不必循
將遂殊塗軼嬰子同歸津

塘上行

江籬生幽渚微芳不足宣被蒙風雲會移居華
池邊發藻玉臺下垂影滄浪泉霜潤旣已渥結
根與且堅四節逝不處繁華難久鮮淑氣與時
殞餘芳隨風捐天道有遷易人理無常全男權
智傾愚女愛衰避妍不惜微軀退但懼蒼蠅前

願君廣末光照妾薄暮年

折楊柳

邈矣垂天景壯哉奮地雷豐隆豈久響華光但
西噴日落似有竟時逝恒若催仰悲朗月運坐
觀旋蓋廻盛門無再入衰房莫苦開人生固已
短出處鮮爲諧慷慨惟昔人興此千載懷升龍
悲絕處葛藟變條救寤寐豈虛歎曾是感與摧
弭意無足歡願言有餘哀

飲馬長城窟行

驅馬陟陰山山高馬不前往問陰山候勁虜在
燕然戎車無停軌旌旆屢徂遷仰憑積雪巖俯
涉堅冰川冬來秋未反去家邈以縣獫狁亮未
夷征人豈徒旋末德爭先鳴凶器無兩全師克
薄賞行軍沒微軀捐將遵甘陳迹收功單于旃
振旅勞歸士受爵藁街傳

門有車馬客行

門有車馬客駕言發故鄉念君久不歸濡跡涉
江湘投袂赴門塗攬衣不及裳拊膺攜客泣掩

淚叙溫涼借問邦族問惻愴論存亡親友多零
落舊齒皆彫喪市朝忽遷易城闕或丘荒墳壟
日月多松柏鬱芒芒天道信崇替人生安得長
慷慨惟平生俛仰獨悲傷

權歌行

遲遲暮春日天氣柔且嘉元吉隆初巳濯穢遊
黃河龍舟浮鷁首羽旗垂藻葩乘風宣飛景逍
遙戲中波名謳激清唱榜人縱棹歌投綸沈洪
川飛繳入紫霞

太山吟

太山一何高迢迢造天庭峻極周已遠曾雲鬱
冥冥梁甫亦有館蒿里亦有亭幽塗延萬鬼神
房集百靈長吟太山側慷慨激楚聲

梁甫吟

玉衡既已驂羲和若飛凌四運循環轉寒暑自
相承冉冉年時暮迢迢天路微招搖東北指大
火西南昇悲風無絕響玄雲互相仍豐冰憑川
結零一作寒露彌天凝年命時相逝慶雲鮮克乘

履信多愆期思順焉足憑慷慨臨川響非此孰
爲興哀吟梁甫巔慷慨獨拊膺

東武吟行

投跡短世間高步長生關渥髮冒雲冠浣身被
羽衣飢從韓衆餐寒就佚女樓

婕妤怨

婕妤去辭寵淹留終不見寄情在玉階託意惟
團扇春苔暗階除秋草蕪高殿黃昏一作黃昏履綦

絕愁來空雨面

駕言出北闕行

駕言出北闕，躑躅遶山陵。
長松何鬱鬱，丘墓互相承。
念昔徂歿子，悠悠不可勝。
安寢重冥廬，天壤莫能興。
人生何所促，忽如朝露凝。
辛苦百年間，戚戚如履冰。
仁智亦何補，遷化有明徵。
求仙鮮克仙，太虛不可凌。
良會罄美服，對酒宴同聲。
君子有所思，行。

命駕登北山，延佇望城郭。
塵里一何盛，街巷紛漠漠。
甲第崇高闢，洞房結阿閣。
曲池何湛湛，清

川帶華薄邃宇列綺窓蘭室接羅幕淑貌色斯
升哀音承顏作人生誠行邁容華隨年落善哉
膏粱士營生與且博宴安消靈根鵠毒不可恪
無以肉食資取笑葵與藿

悲哉行

游客芳春林春芳傷客心和風飛清響鮮雲垂
薄陰蕙草饒淑氣時鳥多好音翩翩鳴鴈羽喈
喈倉庚音五臣作吟幽蘭盈通谷長秀被高岑女蘿
亦有託蔓葛亦有尋傷哉客遊士憂思一何深

目感隨氣草耳悲詠時禽寤寐多遠念緬然若
飛沈願託歸風響寄言遺所欽

齊謳行

營丘負海曲沃野爽且平洪川控河濟崇山入
高冥東被姑尤側南界聊攝城海物錯萬類陸
產尚千名孟諸吞楚夢百二侔秦京惟師恢東
表桓后定周傾天道有迭代人道無久盈鄙哉
牛山歎未及至人情爽鳩苟已徂吾子安得停
行行將復去長存非所營

吳趨行

楚妃且勿歎齊娥且勿謳
四坐並清聽聽我歌
吳趨吳趨自有始請從閭門起
閭門何峨峨飛閣跨通波
重欒承游極回軒啓曲阿
藹藹慶雲被泠泠祥風過
山澤多藏育土風清且嘉
泰伯導仁風仲雍揚其波
穆穆延陵子灼灼光諸華
上述隕陽九帝功興四遐
大皇自富春矯手頓世羅
邦彥應運興粲若春林葩
屬城咸有士吳邑最爲多
八族未足侈四姓實名家
文德熙淳

懿武功作山河禮讓何濟濟流化自滂沱淑美
難窮紀商摧爲此歌

前緩聲歌

游仙聚靈族高會層城阿長風萬里舉慶雲鬱
嵯峨宓妃興洛浦王韓起太華北徵瑤臺女南
嬰湘川娥肅肅宵駕動翩翩翠蓋羅羽旗棲瓊
鸞玉衡吐鳴和太容揮高絃洪崖發清歌獻酬
旣已周輕舉乘紫霞總轡扶桑枝濯足踢谷波
清輝溢天門垂慶惠皇家

吳趨行

蠶繭蓋重簾唯有遠相思
萬葉清朝釧何見早還時

飲酒樂

飲酒須飲多人生能幾何
百年須受樂莫厭管絃歌

董桃行

以下六言

和風習習薄林柔
條布葉垂陰鳴鳩拂羽相尋
倉庚啾啾弄音感時悼逝傷心
日月相追周

旋萬里倏忽幾年人皆冉冉西遷盛時一往不
還慷慨乖念悽然 昔爲少年無憂常恡秉燭
夜遊翩翩宵征何求于今知此有由但爲老去
年適 盛固有衰不疑長夜冥冥無期何不驅
馳及時聊樂永日自怡齋此遺情何之 人生
居世爲安豈若及時爲歡世道多故萬端憂慮
紛錯交顏老行及之長歎

上留田行

嗟行人之藹藹駿馬陟原風馳輕舟泛川雷邁

寒往暑來相尋零雪霏霏集宇悲風徘徊入襟
歲華冉冉方除我思纏綿未紓感時悼逝悽如

飲酒樂

樂府作還臺樂
謂陳陞瓊詩誤

葡萄四時芳醇瑠璃千鍾舊賓夜飲舞遲銷爛
朝醒絃促催人春風秋月恒好驩醉日月言新

燕歌行 七言

四時代序逝不追寒風習習落葉飛蟋蟀在堂
露盈墀念君客遊常苦悲君何絢然久不歸賤
妾悠悠心無違白日既沒明燈輝夜一作塞禽赴

林匹鳥棲雙鳩闕闕宿河湄憂來感物涕不晞
非君之念思爲誰別日何早會何遲

猛虎行

以下
雜言

渴不飲盜泉水熱不息惡水陰惡水豈無枝志
士多苦心整駕肅時命杖策將遠尋飢食猛虎
窟寒棲野雀林口歸功未建時往歲載陰崇雲
臨岸駭鳴條隨風吟靜言幽谷底長嘯高山岑
急絃無懦響亮節難爲音人生誠未易曷云開
此衿眷我耿介懷俯仰愧古今

鞠歌行

序曰按漢官閣有含章鞠室靈芝鞠室後漢
馬防第宅卜臨道連閣通池鞠城彌於街路
鞠歌將謂此也又東阿王詩連騎擊壤或謂
蹴鞠乎三言七言雖奇寶名器不遇知己終
不見重願逢知己以託意焉

朝雲升應龍攀乘風遠遊騰雲端鼓鐘歇豈自
歡急絃高張思和彈時希值年夙愆循已雖易
人知難王陽登貢公歡罕生旣沒國子歎嗟千

載登虛言邈矣遠念情愴然

順東西門行

出西門望天庭陽谷旣虛崦嵫盈威朝露悲人
生逝者若斯安得停桑樞戒蟋蟀鳴我今不樂
歲聿征迨未暮及時平置酒高堂宴友生激昂
笛彈哀箏取樂今日盡歡情

日重光行

日重光奈何天廻薄日重光冉冉其遊如飛征
日重光今我日華華之盛日重光倏忽過亦安

停日重光盛往衰亦必來日重光譬如四時固
恒相催日重光惟命有今可營日重光但惆悵
才志日重光身沒之後無遺名

月重輪行

人生一時月重輪盛年安可持月重輪吉凶倚
伏百年莫我與期臨川曷悲悼茲去不從肩月
重輪功名不勗之善哉古人揚聲敷聞九服身
名流何穆旣自才難旣嘉運亦易愆俛仰行老
存沒將何所觀志士慷慨獨長歎獨長歎

百年歌十首

一十時顏如薜華
曄有暉體如飄風
行如飛變
彼孺子相追隨
終朝出遊薄暮歸
六情逸豫心
無違清酒漿炙柰樂何清酒漿炙柰樂何

二十時膚體彩澤
人理成美目淑貌
灼有榮被
服冠帶麗且清
光車駿馬遊都城
高談雅步何
盈盈清酒漿炙柰樂何清酒漿炙柰樂何

三十時行成名立
有令聞力可扛鼎
志干雲食
如漏卮氣如熏
辭家觀國綜典
文高冠素帶煥

卷三
翩紛清酒漿炙柰樂何清酒漿炙柰樂何

四十時體力克壯志方剛跨州越郡還帝鄉出
入茱明擁大璫清酒漿炙柰樂何清酒漿炙柰
樂何

五十時荷旄仗節鎮邦家鼓鐘嘈囀趙女歌羅
衣絳粲金翠華言笑雅舞相經過清酒漿炙柰
樂何清酒漿炙柰樂何

六十時年亦耆艾業亦隆驂駕四牡入紫宮軒
冕婀娜翠雲中子孫昌盛家道豐清酒漿炙柰

樂何清酒漿炙柰樂何

七十時精爽頗損膂力愆清水明鏡不欲觀臨

樂對酒轉無歡攬衣盆

一作盆

髮獨長歎

八十時明已損目聰去耳前言往行不復紀辭
官致祿歸桑梓安車駟馬入舊里樂事告終憂
事始

九十時日告耽瘁月告衰形體雖是志意非言
多謬誤心多悲子孫朝拜或問誰指景玩日慮
安危感念平生淚交揮

百歲時盈數已登肌肉單四支百節還相患目
苦濁鏡口垂涎呼吸嚥感反側難茵褥滋味不
復安

陸平原集卷之四

晉吳郡陸機士衡著

明閩漳張爕紹和纂

詩

皇太子宴玄圃宣猷堂有令賦詩

三正迭紹洪聖啓運自昔哲王先天而順群辟
崇替降及近古黃暉旣渝素靈承祐乃眷斯顧
祚之宅土三后始基世武丕承協風旁駭天晷
仰澄淳曜六合皇慶攸興自彼河汾奄齊七政

時文惟晉世篤其聖欽異昊天對揚成命九區
克咸謳歌以詠皇上纂隆經教弘道于化旣豐
在工載考俯釐庶績仰荒大造儀刑祖宗妥綏
大保篤生我后克明克秀體輝重光承規景數
茂德淵冲天姿玉裕崑爾小臣邈彼荒遐弛厥
負擔振纓承華匪願伊始惟命之嘉

皇太子賜讌詩

明明隆晉茂德有赫思媚上帝配天光宅誕育
皇儲儀刑在昔徽言時宣福祿來格勞謙降貴

肆敬下臣肇彼先驅翻成嘉賓

贈馮文黹遷斥丘令

八章

於皇聖世時文惟晉受命自天奄有黎獻閭闔
旣闢承華再建明明在上有集惟彥

奕奕馮生哲問允迪天保定子靡德不鏤邁心
玄曠矯志崇邈邈遵彼承華其容灼灼

嗟我人斯戢翼江潭有命集止翻飛自南出自
幽谷及爾同林雙情交映遺物識心

人亦有言交道寔難有類者弁千載一彈今我

與子曠世齊歡利斷金石氣惠秋蘭

羣黎未綏帝用勤止我求明德肆千百里僉曰

爾諸俾民是紀乃眷北徂對揚帝祉

疇昔之遊好合纏綿借曰未給

五臣作洽

亦旣三年

居陪華幄出從朱輪方驥齊鑣比迹同塵

之子旣命四牡項領遵塗遠路騰軌高騁慶雲

扶質清風承景噓我懷人其邁惟永

否泰有

荀作

殊窮達有違及子春華後爾秋暉

逝將去我陟彼朔陲非子之念心孰爲悲

答賈謐

十一
章
有序

余昔爲太子洗馬魯公賈長淵以散騎常侍
侍東宮積年余出補吳王郎中令元康六年
入爲尙書郎魯公贈詩一篇作此詩答之云
爾

伊昔有皇肇濟黎烝先天創物景命是膺降及
羣后迭毀迭興邈矣終古崇替有徵

在漢之季皇綱幅裂大辰匿暉金虎曜質雄臣
馳驚義夫赴節釋位揮戈言謀王室

王室之亂靡邦不泯如彼墜景曾不可振乃眷
三哲俾乂斯民啓土綏難收物承天

爰茲有魏卽宮天邑吳實龍飛劉亦岳立千戈
載揚俎豆載戢民勞師興國玩飢入

天厭霸德皇祚告纍獄訟違魏謳歌適晉陳留
歸藩我皇登禪庸岷稽顙三江改獻

赫矣隆晉奄宅率土對揚天人有秩斯祐惟公
太宰光翼二祖誕育洪胄纂戎于魯

東朝旣建淑問莪莪我求明德濟同以和魯公

戾止衮服委蛇思媚皇儲高步承華

昔我逮茲時惟下僚及子棲遲同林異條年殊
志比服舛義稠游跨三春情固二秋

祗承皇命出納無違往踐蕃朝來步紫微升降
祕閣我服載暉孰云匪懼仰肅明威

分索則易攜手實難念昔良游茲焉永歎公之
云感貽此音翰蔚彼高藻如玉如蘭

惟漢有水曾不踰境惟南有金萬邦作詠民之
胥好狷狂厲聖儀刑在昔予聞子命

潘岳爲賈謐作贈陸機十一章附

肇自初創二儀綱繆粵有生民伏羲始君結
繩闡化八象成文芒芒九有區域以分

神農更王軒轅承紀畫野離疆爰封衆子夏
殷既襲宗周繼祀綿綿底陟六國互峙

彊秦兼并吞滅四隅子嬰面觀漢祖膺圖靈
獻微弱在湟則淪三雄鼎足孫啓南吳

南吳伊何僭號稱王大晉統天仁風遐揚僞
孫銜璧承土歸疆婉婉長離凌江而翔

長離云誰咨爾陸生鶴鳴九臯猶載厥聲况
乃海隅播名上京爰應旌招撫翼宰庭

諸皇之選實簡惟良英英朱鸞來自南岡曜
藻崇正玄冕丹裳如彼蘭蕙載採其芳

藩岳作鎮輔我京室旋反桑梓帝弟作弼或
云國宦清塗攸失吾子洗然恬淡自逸

廊廟惟清俊又是延擢應嘉舉自國而遷齊
轡羣龍光讚納言優游省闈珥筆華軒

昔余與子縉綵東朝雖禮以賓情通友僚嬉

娛絲竹撫鞞舞韶脩月朗月攜手逍遙
自我離羣二周于今雖簡其面分著情深子
其超矣實慰我心發言爲詩俟望好音
欲崇其高必重其層立德之柄莫匪安恒在
南稱甘度北則橙崇子鋒穎不頽不崩

贈弟士龍

余弱年夙孤與弟士龍銜卹喪庭續會逼王
命墨經卽戎時並縈髮悼心告別漸歷八載
家邦顛覆凡厥同生彫落殆半收迹之日感

物興哀而龍又先在四時追當祖載二昆不
容逍遙銜痛東徂遺情西慕故作是詩以寄
其哀苦焉

於穆予宗稟精東嶽誕育祖考造我南國南國
克靖實繇洪績惟帝念功載繁其錫其錫惟何
玄冕袞衣金石假樂旄鉞授威匪威是信稱平
遠德奕世台衡扶帝紫極

篤生三昆克明克俊遵塗結轍承風襲問帝曰
欽哉纂戎列祚雙組式帶綬章載路卽命荆楚

對揚休顧肇旼厥績武功聿舉烟燭芳素綢繆
江許昊天不弔胡寧棄予

嗟予人斯胡德之微闕彼遺軌則此頑違王事
匪監旂旆屢振委籍舊戈統厥征人祈祈征人
載肅載閑駉駉戎馬有 有翰昔子冀考惟斯
伊撫今予小子繆尋末緒

有命自天崇替靡當王師乘運席卷江湘雖
守守從武臣守局下列譬彼飛塵洪波雷擊
與衆同泯顛跋西夏收迹舊京俯慚堂構仰懷

藝文類聚
作惟

先靈孰云忍愧寄之我情

伊我俊弟咨爾士龍懷襲瑰瑋播殖清風非德
莫勤非道莫弘垂翼東畿耀穎名邦綿綿洪統
非爾孰崇依依同生恩篤情結義存並濟胡樂
之悅願爾偕老携手黃髮

昔我西征扼腕川湄掩涕卽路耀袂長辭六龍
促節逝不我待自往迄茲曠年八祀悠悠我思
非爾焉在昔並垂髮今也將老銜哀茹感絜濶
充飽嗟我人斯胡卹之早

天步多艱性命難誓常懼隕斃孤魂殊裔存不
阜物沒不增壤生若朝風死猶絕景視彼浮遊
方之僑客眷此黃廬譬之斃宅匪身是玄亮會
伊惜其惜伊何言紆其思其思伊何悲彼

曠載

出車戒塗言告言歸薦食驚駕夙興宵馳濛雨
之陰炤月之輝陸陵峻坂川越洪漪爰屆爰止
步彼高堂失爾羽邁良願中荒我心永懷匪悅
匪康

昔我斯逝兄弟孔仁今我來思或彫或疚昔我

斯逝旅有餘榮今我來思堂有哀聲我行其道
鞠爲茂草我履其房物存人亡拊膺涕泣血淚
彷徨

企佇朔路言送爾歸心存言宴日想容輝迫彼
窀穸載驅東路繼其桑梓肆力丘墓婉孌兮變兮
興懷罔極眷言顧之使我心惻

贈潘尼

水會于海雲翔于天道之所混孰後孰先及子
雖殊同升太玄舍彼玄冕襲此雲冠遺情而朝

永志丘園靜猶幽谷動若揮蘭

潘尼答陸士衡附

顧茲蓬蔚厠根蘭陂膏澤雖均華不足披逮
春不茂未秋先萎子濯鱗翼我挫羽儀願言
難常載合載離昔遊禁園祗畏夕惕今放丘
園縱心夷易口詠新詩目玩文跡予志耕圃
爾勤王役慙無琬琰以訓尺璧

答潘尼

於穆同心如瓊如林我東日徂來餞其璫彼美

生寶綜我心探我玉懷疇爾惠音

潘尼贈陸機出爲吳玉郎中令附

東南之美曩惟延州顯允陸生於今數儔振
鱗南海濯翼清流婆娑翰林容與墳丘

玉以瑜潤隨以光融乃漸上京羽儀儲宮玩
爾清藻味爾芳風泳之彌廣挹之彌冲

崑山何有有瑤有珉及爾同僚其惟近臣予
涉素秋子登青春愧無老成廁彼日新

祁祁大邦惟桑惟梓穆穆伊人南國之紀帝

日爾諾惟王卿士俯僂從命奚恤奚喜

我車旣巾我馬旣秣星陳夙駕載脂載轄婉
變二宮徘徊殿闥醪澄莫饗孰慰饑渴

昔子忝私貽我蕙蘭今子徂東何以贈旃寸
畧惟寶豈無璵璠彼笑陸生可與晤言

贈馮文羆

以下五言

昔與二三子游息承華南拊翼同枝條翻飛各
異尋苟無凌風翮徘徊守故林慷慨誰爲感願
言懷所欽發軫清洛汭驅馬大河陰佇立望朔

塗悠悠迥且深分索古所悲志士多苦心悲情
臨川結苦言隨風吟愧無雜佩贈良訊代兼金
夫子茂遠猷欸誠寄惠音

於承明作與弟士龍

牽世嬰時綱駕言遠徂征飲餞豈異族親戚弟
與兄婉孌居人思紆鬱遊子情明發遺安寐晤
言涕交纓分途長林側揮袂萬始亭佇眄要遐
景傾耳玩餘聲南歸憇永安北邁頓承明永安
有昨軌承明子棄予俯仰悲林薄慷慨含辛楚

懷往歡絕端悼來憂成緒感別慘舒嗣思歸樂
遵渚

贈第士龍

行矣怨路長怒焉傷別促指途悲有餘臨觴歡
不足我若西流水子爲東峙岳慷慨逝言感排
徊居情育安得攜手俱契濶成駢服

贈尚書郎顧彥先二首

大火貞朱光積陽熙自南望舒離金虎屏翳吐
重陰淒風迓時序苦雨遂成霖朝游志輕羽夕

息憶重衾感物百憂生纏綿自和尋與子隔蕭
牆簫牆阻且深形影曠不接所託聲與音音聲
日夜濶何用慰吾心

朝遊遊層城夕息旋丘壚迅雷中宵激驚電光
夜舒玄雲拖朱閣振風薄綺䟽豐注溢修霤潢
潦漫階除停陰結不解通衢化爲渠沈稼湮梁
穎流民所荆徐春言懷桑梓無乃將爲魚

贈顧交趾公貞

顧侯體明德清風肅已邁發迹異藩后改授撫

南裔伐鼓五嶺表揚旌萬里外遠績不辭小立
德不在大高山安足凌巨海猶縈帶惆悵瞻飛
駕引領望歸旆

答張士然

潔身躋祕閣秘閣峻且玄終朝理文案薄暮不
遑眠

善作
膜

駕言巡明祀致敬在祈年逍遙春王

圃

五臣
作圃

躑躅千畝田廻渠繞曲陌通波扶並阡

嘉穀垂重穎芳樹發華顛余固水鄉士總轡臨
清淵戚戚多違念行行遂成篇

贈從兄車騎

孤獸思故藪離鳥悲舊林翩翩游宦子辛苦誰
爲心髮鬢各水陽婉變崑山陰營魄懷茲土精
爽若飛沈寤寐靡安豫願言思所欽感彼歸途
艱使我怨慕深安得忘憂草言樹背與襟斯言
豈虛作思鳥有悲音

爲顧彥先贈婦二首

辭家遠行游悠悠三千里京洛多風塵素衣化
爲緇脩身悼憂苦感念同懷子隆思亂心曲沈

歡滯不起歡沈難克興心亂誰爲理願假歸鴻
翼翻飛游江汜

東南有思婦長歎充幽閨借問歎何爲佳人眇
天末游宦久不歸山川脩且濶形影參商乖音
息曠不達離合非有常譬彼絃與箏願保金石
軀慰妾長飢渴

爲陸思遠婦作

二合兆嘉偶女子禮有行潔已入德門終遠母
與兄如何耽時寵游宦忘歸寧雖爲三載婦顧

景媿虛名歲暮饒悲風洞房涼且清拊枕循薄
質非君誰見榮離君多悲心寤寐勞人情敢忘
桃李阿側想瑤與瓊

爲周夫人贈車騎

碎碎織細練爲君作繡君行豈有顧憶君是
妾夫昔者得君書聞君在高平今時得君書聞
君在京城京城華麗所璀璨多異人男兒多遠
志豈知妾念君昔者與君別歲律薄將暮日月
一何速素秋墜湛露湛露何冉冉思君歲隨晚

對食不能食臨觴不能飯

祖道畢雍孫劉邊仲潘正叔

皇儲延髦俊多士出幽遐適值

遂一作時

來運與

子遊承華執笏崇賢內振纓層城阿畢劉贊文
武潘生蒞邦家感別懷遠人願言歎以嗟

赴洛二首

希世無高符營道無烈心靖端肅有命假攢越
江潭親友贈予邁揮淚廣川陰撫膺解攜手永
歎結遺音無迹有所匿寂寞聲必沈肆日耿不

原缺

寐振衣獨長想

吳王郎中時從梁陳作

在昔蒙嘉運矯迹入崇賢假翼鳴鳳條濯足升
龍淵玄冕無醜士治服使我妍輕劍拂鞶厲五臣
作長纓麗且解誰謂伏事淺契濶踰三年薄言
蕭後命改服就藩臣夙駕尋清軌遠遊越梁陳
感物多遠念慷慨懷古人

擬行行重行行

悠悠行邁遠戚戚憂思深此思亦何思思君徽

與音音徽日夜離緬邈若飛沈玉鮪懷河岫晨
風思北林遊子眇天末還期不可尋驚飈塞反
信歸雲難寄音佇立想萬里沈憂萃我心攬衣
有餘帶循形不盈衿去去遺情累安處撫清琴

擬今日良宴會

閑夜命懽友置酒迎風館齊僮梁甫吟秦娥張
女彈哀音繞棟宇遺響入雲漢四座咸同志羽
觴不可筭高談一何綺蔚若朝霞爛人生無幾
何爲樂常苦晏譬彼伺晨鳥揚聲當及旦曷爲

恒憂苦守此貧與賤

擬迢迢牽牛皇

昭昭清漢輝粲粲光天步牽牛西北廻織女東南顧華容一何冶揮手如振素怨彼河無梁悲此年歲暮跂彼無良緣睨焉不得度引領望大川雙涕如霑露

擬涉江采芙蓉

上山采瓊蘂窮谷饒芳蘭采采不盈掬悠悠懷所歡故鄉一何曠山川阻且難沈思鍾萬里躑

躑躅吟歎

擬青青河畔草

靡靡江離草熠熠生河側皎皎彼姝女阿那當
軒織粲粲妖容姿灼灼美顏色良人遊不歸偏
棲獨隻翼空房來悲風中夜起歎息

擬明月何皎皎

安寢北堂上明月入我牖照之有餘輝攬之不
盈手涼風繞曲房塞蟬鳴高柳踟躕感節物我
行永已久游宦會無成離思難常守

擬蘭若生朝陽

嘉樹生朝陽凝霜封其條執心守時信歲寒終
不彫奚人何其曠灼灼在雲霄隆想彌年月長
嘯入飛颺引領望天末瞻彼向陽翹

擬青青陵上栢

冉冉高陵蘋習習隨風翰人生當幾時譬彼濁
水瀾戚戚多滯念置酒宴所歡方駕振飛轡遠
遊入長安名都一何綺城闕鬱盤桓飛閣縵虹
帶層臺冒雲冠高門羅北闕甲第椒與蘭俠客

控絕景都人驂玉軒遨遊放情願慷慨爲誰歎
擬東城一何高

西山何其峻層曲鬱崔嵬零露彌天墜蕙葉憑
林衰寒暑相因襲時逝忽如頽三閭結飛轡大
耄嗟落暉曷爲牽世務中心若有違京洛多妖
麗玉顏倅瓊蕤閒夜撫鳴琴惠音清且悲長歌
赴促節哀響逐高徽一唱萬夫歎再唱梁塵飛
思爲河曲鳥雙游澧水湄

擬西北有高樓

高樓一何峻迢迢

一作峩峩

而安綺窓出塵冥飛

陛躡雲端佳人撫琴瑟纖手清且閒芳氣隨風

結哀響復若蘭玉容誰能

一作得

顧傾城在一彈

佇立望日晏躑躅再三歎不怨佇立久但願歌

者歡思駕歸鴻羽比翼雙飛翰

擬庭中有奇樹

歡友蘭時往迢迢匿音徽虞洲引絕景四節逝
若飛芳艸久已茂佳人竟不歸躑躅遶林渚惠
風入我懷感物戀所歡采此欲貽誰

擬明月皎夜光

歲暮涼風發昊天肅明明招搖西北指天漢東
南傾朗月照閒房蟋蟀吟戶庭翻翻歸鴈集嘒
嘒寒蟬鳴疇昔同宴友翰飛戾高冥服笑改聲
聽居愉遺舊情織女無機杼大梁不架楹

招隱詩

明發心不爽振衣聊躑躑欲安之幽人在
淩谷朝采南澗藻夕息西山足輕條象雲拂密
葉承翠幄激楚佇蘭林回芳薄秀木山溜何冷

冷飛泉漱鳴玉哀音附靈波頽響赴曾曲至樂
非有假安事澆淳樸富貴苟難圖稅駕從所欲

遨遊出西城

遨遊出西城按轡循都邑逝物隨節改時風肅
且熠遷化有常然盛衰自相襲靡靡年時改冉
冉老已及行矣勉良圖使爾脩名立

園葵詩二首

種葵北園中葵生鬱萋萋朝榮東北傾夕頽西
南晞零露垂鮮澤朗月耀其輝時逝柔風戢歲

暮商炎飛曾雲無溫液嚴霜有凝威幸蒙高墉
德玄景陰素蕤豐條並春盛落葉後秋哀慶彼
晚彫福忘此孤生悲

翩翩晚彫葵孤生寄北藩被蒙覆露惠微軀後
時殘庇足周一智生理各萬端不若聞道易但
陽知命難

贈波丘令馮文耀

夙駕出東城送子臨江曲密席接同志羽觴飛
鄙渌登樓望峻陂時逝一何速

贈顧彥先

清夜不能寐悲風入我軒立影對孤軀哀聲應
苦言

贈紀士

瓊環俟豐價窈窕不自鬻有美蛾眉子惠音清
且淑脩姱協姝麗華顏婉如玉

贈潘正叔

過蒙時來運與爾遊承華執笏崇賢內振纓曾
城阿

招隱二首

駕言尋飛遯山路鬱盤桓芳蘭振蕙葉玉泉涌
微瀾嘉卉獻時服靈木進朝飧

尋山求逸民穹谷幽且遐清泉盪玉渚文魚躍
中波

尸鄉亭

東遊觀輦洛逍遙丘墓間秋草漫長柯塞水入
雲煙發軫有夙宴息駕無愚賢

三月三日

遲遲暮春日天氣柔且佳元吉隆初巳濯穢遊
黃河

春詠

節運同可悲莫若春氣甚和風未及燠遺涼清
且凜

詠老

軟顏收紅蘂玄鬢吐素華冉冉逝將老咄咄柰
老何

講漢書詩

稅駕金華講學祕館有集惟是芳風雅宴

秋詠

肅肅素秋節湛湛濃露凝
太陽夙夜降少陰忽已升

失題 二首

太素卜令宅希微啓奧基
玄冲纂懿文虛無承先師

澄神玄漠流棲心太素域
弭節欣高視俟我大夢覺